

佛说观无量寿佛经讲记 科判

刘宋西域三藏法师疆良耶舍 译 道源法师 述

释道净 整理 校对 20240726 2 稿 qq 973451196 禁止商用篡改 法律责任必究

表 1: (1 表) 甲一、序分分二

(参考佛陀教育基金会版本校对)

科判		经文
经前玄谈		
略释经题		佛说观无量寿佛经 刘宋西域三藏法师疆良耶舍 译
正释经文	甲一、序分分二	乙一、证信序 如是我闻：一时，佛在王舍城耆闍崛山中，与大比丘众，千二百五十人俱。菩萨三万二千，文殊师利法王子而为上首。 尔时王舍大城，有一太子，名阿闍世。随顺调达恶友之教，收执父王频婆娑罗，幽闭置于七重室内，制诸群臣，一不得往。 国太夫人，名韦提希，恭敬大王，澡浴清净，以酥蜜和麁，用涂其身。诸璎珞中，盛葡萄浆，密以上王。尔时大王，食麁饮浆，求水漱口。漱口毕已，合掌恭敬，向耆闍崛山，遥礼世尊，而作是言：大目犍连，是吾亲友，愿兴慈悲，授我八戒。时目犍连，如鹰隼飞，疾至王所。日日如是，授王八戒。世尊亦遣尊者富楼那，为王说法，如是时间，经三七日。王食麁蜜，得闻法故，颜色和悦。时阿闍世，问守门者，父王今者，犹存在耶？时守门人白言：大王！国太夫人，身涂麁蜜，璎珞盛浆，持用上王。沙门目连，及富楼那，从空而来，为王说法，不可禁制。时阿闍世，闻此语已，怒其母曰：我母是贼，与贼为伴。沙门恶人，幻惑咒术，令此恶王，多日不死。即执利剑，欲害其母。时有一臣，名曰月光，聪明多智。及与耆婆，为王作礼，白言：大王！臣闻毗陀论经说：劫初以来，有诸恶王，贪国位故，杀害其父，一万八千，未曾闻有无道害母。王今为此杀逆之事，污刹利种，臣不忍闻！是旃陀罗，我等不宜复住于此。时二大臣，说此语竟，以手按剑，却行而退。时阿闍世，惊怖惶惧，告耆婆言：汝不为我耶？耆婆白言：大王！慎莫害母。王闻此语，忏悔求救，即便舍剑，止不害母。敕语内官，闭置深宫，不令复出。时韦提希，被幽闭已，愁忧憔悴。遥向耆闍崛山，为佛作礼，而作是言：如来世尊！在昔之时，恒遣阿难，来慰问我。我今愁忧，世尊威重，无由得见；愿遣目连、尊者阿难，与我相见。作是语已，悲泣雨泪，遥向佛礼。未举头顷，尔时世尊，在耆闍崛山，知韦提希心之所念。即敕大目犍连，及以阿难，从空而来。佛从耆闍崛山没，于王宫出。时韦提希，礼已举头，见世尊释迦牟尼佛，身紫金色，坐百宝莲华。目连侍左，阿难侍右。释梵护世诸天，在虚空中，普雨天华，持用供养。时韦提希，见佛世尊，自绝璎珞，举身投地，号泣向佛。白言：世尊！我宿何罪，生此恶子？世尊复有何等因缘，与提婆达多，共为眷属？唯愿世尊，为我广说无忧恼处，我当往生，不乐阎浮提浊恶世也。此浊恶处，地狱饿鬼畜生盈满，多不善聚。愿我未来，不闻恶声，不见恶人。今向世尊，五体投地，求哀忏悔。唯愿佛日，教我观于清净业处。
	乙二、发起序	

表 2-1: (7 表) 甲二、正宗分分三

科判		经文
正释经文	甲二、正宗分分三	乙一、明净业
		乙二、辨妙观分十六
		丙一、日观
		丙二、水观
		丙三、地观

尔时世尊，放眉间光，其光金色，徧照十方无量世界。还住佛顶，化为金台，如须弥山。十方诸佛净妙国土，皆于中现。或有国土，七宝合成。复有国土，纯是莲华。复有国土，如自在天宫。复有国土，如玻璃镜。十方国土，皆于中现。有如是等无量诸佛国土，严显可观，令韦提希见。时韦提希白佛言：世尊！是诸佛土，虽复清淨，皆有光明。我今乐生极乐世界阿弥陀佛所，唯愿世尊，教我思惟，教我正受。尔时世尊，即便微笑，有五色光，从佛口出。一一光照频婆婆罗王顶。尔时大王，虽在幽闭，心眼无障，遥见世尊，头面作礼。自然增进，成阿那含。尔时世尊告韦提希：汝今知不？阿弥陀佛，去此不远。汝当系念，谛观彼国净业成者。我今为汝广说众譬，亦令未来世一切凡夫，欲修净业者，得生西方极乐国土。欲生彼国者，当修三福：一者、孝养父母，奉事师长，慈心不杀，修十善业。二者、受持三归，具足众戒，不犯威仪。三者、发菩提心，深信因果，读诵大乘，劝进行者。如此三事，名为净业。佛告韦提希：汝今知不？此三种业，乃是过去未来现在，三世诸佛净业正因。

佛告阿难及韦提希：谛听！谛听！善思念之。如来今者，为未来世一切众生，为烦恼贼之所害者，说清淨业。善哉韦提希！快问此事。阿难！汝当受持，广为多众，宣说佛语。如来今者，教韦提希，及未来世一切众生，观于西方极乐世界。以佛力故，当得见彼清淨国土。如执明镜，自见面像。见彼国土极妙乐事，心欢喜故，应时即得无生法忍。佛告韦提希：汝是凡夫，心想羸劣，未得天眼，不能远观。诸佛如来，有异方便，令汝得见。时韦提希白佛言：世尊！如我今者，以佛力故，见彼国土。若佛灭后，诸众生等，浊恶不善，五苦所逼，云何当见阿弥陀佛极乐世界？

佛告韦提希：汝及众生，应当专心系念一处，想于西方。云何作想？凡作想者，一切众生，自非生盲，有目之徒，皆见日没。当起想念，正坐西向，谛观于日欲没之处，令心坚住，专想不移。见日欲没，状如悬鼓。既见日已，闭目开目，皆令明了。是为日想，名曰初观。

次作水想：见水澄清，亦令明了，无分散意；既见水已，当起冰想：见冰映彻，作琉璃想。此想成已，见琉璃地，内外映彻。下有金刚七宝金幢，擎琉璃地。其幢八方，八楞具足。一一方面，百宝所成；一一宝珠，有千光明；一一光明，八万四千色。映琉璃地，如亿千日，不可具见。琉璃地上，以黄金绳，杂厕间错；以七宝界，分齐分明。一一宝中，有五百色光。其光如华，又似星月，悬处虚空，成光明台。楼阁千万，百宝合成。于台两边，各有百亿华幢，无量乐器，以为庄严。八种清风，从光明出，鼓此乐器，演说苦、空、无常、无我之音，是为水想，名第二观。

此想成时，一一观之，极令明了。闭目开目，不令散失。唯除食时，恒忆此事。如此想者，名为麤见极乐国地。若得三昧，见彼国地，了了分明，不可具说，是为地想，名第三观。佛告阿难：汝持佛语，为未来世一切大众，欲脱苦者，说是观地法。若观是地者，除八十亿劫生死之罪。舍身他世，必生净国，心得无疑。作是观者，名为正观。若他观者，名为邪观。

表 2-2: (7 表) 甲二、正宗分分三

正释经文	甲二、正宗分分三	乙二、辨妙观分十六	丙四、树观	<p>佛告阿难及韦提希：地想成已，次观宝树。</p> <p>观宝树者，一一观之，作七重行树想。</p> <p>一一树，高八千由旬，其诸宝树，七宝华叶，无不具足。</p> <p>一一华叶，作异宝色：琉璃色中，出金色光；玻璃色中，出红色光；码碯色中，出砗磲光；砗磲色中，出绿真珠光；珊瑚琥珀，一切众宝，以为映饰。</p> <p>妙真珠网，弥覆树上，一一树上，有七重网；</p> <p>一一网间，有五百亿妙华宫殿，如梵王宫。</p> <p>诸天童子，自然在中，一一童子，五百亿释迦毗楞伽摩尼，以为瓔珞。</p> <p>其摩尼光，照百由旬，犹如和合百亿日月，不可具名。</p> <p>众宝间错，色中上者。此诸宝树，行行相当，叶叶相次。</p> <p>于众叶间，生诸妙华，叶上自然有七宝果。</p> <p>一一树叶，纵广正等二十五由旬。其叶千色，有百种画，如天瓔珞。</p> <p>有众妙华，作阎浮檀金色，如旋火轮，宛转叶间。涌生诸果，如帝释瓶。</p> <p>有大光明，化成幢幡无量宝盖。</p> <p>是宝盖中，映现三千大千世界，一切佛事，十方佛国，亦于中现。</p> <p>见此树已，亦当次第一一观之。观见树茎枝叶华果，皆令分明。</p> <p>是为树想，名第四观。</p>
			丙五、水想观	<p>次当想水：欲想水者，极乐国土，有八池水。一一池水，七宝所成。</p> <p>其宝柔软，从如意珠王生，分为十四支。</p> <p>一支，作七宝妙色。黄金为渠，渠下皆以杂色金刚，以为底沙。</p> <p>一一水中，有六十亿七宝莲华。一一莲华，团圆正等十二由旬。</p> <p>其摩尼水，流注华间，寻树上下。</p> <p>其声微妙，演说苦、空、无常、无我诸波罗蜜，复有赞叹诸佛相好者。</p> <p>如意珠王，涌出金色微妙光明。</p> <p>其光化为百宝色鸟，和鸣哀雅，常赞念佛、念法、念僧，是为八功德水想，名第五观。</p>
			丙六、总观	<p>众宝国土，一一界上，有五百亿宝楼。其楼阁中，有无量诸天，作天伎乐。</p> <p>又有乐器，悬处虚空，如天宝幢，不鼓自鸣。</p> <p>此众音中，皆说念佛、念法、念比丘僧。</p> <p>此想成已，名为麤见极乐世界宝树、宝地、宝池，是为总观想，名第六观。</p> <p>若见此者，除无量亿劫极重恶业。命终之后，必生彼国。</p> <p>作是观者，名为正观；若他观者，名为邪观。</p>
			丙七、华座观	<p>佛告阿难及韦提希：谛听！谛听！</p> <p>善思念之，吾当为汝分别解说除苦恼法，汝等忆持，广为大众，分别解说。</p> <p>说是语时，无量寿佛，住立空中。观世音、大势至，是二大士，侍立左右。</p> <p>光明炽盛，不可具见。百千阎浮檀金色，不得为比。</p> <p>时韦提希见无量寿佛已，接足作礼，白佛言：</p> <p>世尊！我今因佛力故，得见无量寿佛及二菩萨，未来众生，当云何观无量寿佛及二菩萨？</p> <p>佛告韦提希：欲观彼佛者，当起想念，于七宝地上，作莲华想。</p> <p>令其莲华，一一叶上，作百宝色。有八万四千脉，犹如天画。</p> <p>脉有八万四千光，了了分明，皆令得见。华叶小者，纵广二百五十由旬。</p> <p>如是莲华，具有八万四千叶。一一叶间，有百亿摩尼珠王，以为映饰。</p> <p>一一摩尼珠，放千光明。其光如盖，七宝合成，徧覆地上。</p> <p>释迦毗楞伽宝，以为其台。</p> <p>此莲华台，八万金刚甄叔迦宝，梵摩尼宝，妙真珠网，以为校饰。</p> <p>于其台上，自然而有四柱宝幢。一一宝幢，如百千万亿须弥山。</p> <p>幢上宝幔，如夜摩天宫。复有五百亿微妙宝珠，以为映饰。</p> <p>一一宝珠，有八万四千光。一一光，作八万四千异种金色。</p> <p>一一金色，徧其宝土，处处变化，各作异相。</p> <p>或为金刚台，或作真珠网，或作杂华云。于十方面，随意变现，施作佛事。</p> <p>是为华座想，名第七观。</p>

表 2-3: (7 表) 甲二、正宗分分三

正释经文	甲二、正宗分分三	乙二、辨妙观分十六	丙七、 华座观	<p>佛告阿难：如此妙华，是本法藏比丘愿力所成。</p> <p>若欲念彼佛者，当先作此华座想。作此想时，不得杂观。</p> <p>皆应一一观之，一一叶、一一珠、一一光、一一台、一一幢，皆令分明，如于镜中，自见面像。</p> <p>此想成者，灭除五万亿劫生死之罪，必定当生极乐世界。</p> <p>作是观者，名为正观；若他观者，名为邪观。</p>
			丙八、 佛菩萨 像观	<p>佛告阿难及韦提希：</p> <p>见此事已，次当想佛，所以者何？</p> <p>诸佛如来，是法界身，入一切众生心想中，是故汝等心想佛时，是心即是三十二相，八十随形好，是心作佛，是心是佛。</p> <p>诸佛正徧知海，从心想生，是故应当一心系念，谛观彼佛多陀阿伽度，阿罗诃，三藐三佛陀。</p> <p>想彼佛者，先当想象。</p> <p>闭目开目，见一宝像，如阎浮檀金色，坐彼华上。</p> <p>见像坐已，心眼得开，了了分明，见极乐国七宝庄严，宝地宝池，宝树行列，诸天宝幔，弥覆其上。</p> <p>众宝罗网，满虚空中。见如此事，极令明了，如观掌中。</p> <p>见此事已，复当更作一大莲华，在佛左边，如前莲华，等无有异。</p> <p>复作一大莲华，在佛右边，想一观世音菩萨像，坐左华座，亦作金色，如前无异。</p> <p>想一大势至菩萨像，坐右华座。</p> <p>此想成时，佛菩萨像皆放光明，其光金色，照诸宝树。</p> <p>一一树下，亦有三莲华。</p> <p>诸莲华上，各有一佛二菩萨像，徧满彼国。</p> <p>此想成时，行者当闻水流光明，及诸宝树，鳧鴈鸳鸯，皆说妙法。</p> <p>出定入定，恒闻妙法。</p> <p>行者所闻，出定之时，忆持不舍，令与修多罗合。</p> <p>若不合者，名为妄想，若与合者，名为麤想见极乐世界。</p> <p>是为像想，名第八观；</p> <p>作是观者，除无量亿劫生死之罪，于现身中，得念佛三昧。</p>
			丙九、 佛身观	<p>佛告阿难及韦提希：此想成已，次当更观无量寿佛身相光明。</p> <p>阿难当知！无量寿佛，身如百千万亿夜摩天阎浮檀金色，佛身高六十万亿那由他恒河沙由旬。</p> <p>眉间白毫，右旋宛转，如五须弥山。</p> <p>佛眼如四大海水，青白分明。身诸毛孔，演出光明，如须弥山。</p> <p>彼佛圆光，如百亿三千大千世界。</p> <p>于圆光中，有百万亿那由他恒河沙化佛。</p> <p>一一化佛，亦有众多无数化菩萨，以为侍者。无量寿佛，有八万四千相。</p> <p>一一相中，各有八万四千随形好。一一好中，复有八万四千光明。</p> <p>一一光明，徧照十方世界念佛众生，摄取不舍。</p> <p>其光相好，及与化佛，不可具说。但当忆想，令心眼见。</p> <p>见此事者，即见十方一切诸佛，以见诸佛故，名念佛三昧。</p> <p>作是观者，名观一切佛身。</p> <p>以观佛身故，亦见佛心。</p> <p>佛心者，大慈悲是。以无缘慈，摄诸众生。</p> <p>作此观者，舍身他世，生诸佛前，得无生忍；</p> <p>是故智者，应当系心，谛观无量寿佛。</p> <p>观无量寿佛者，从一相好入，但观眉间白毫，极令明了。</p> <p>见眉间白毫相者，八万四千相好，自然当现。</p> <p>见无量寿佛者，即见十方无量诸佛。</p> <p>得见无量诸佛故，诸佛现前授记。</p> <p>是为徧观一切色身相，名第九观。</p> <p>作是观者，名为正观。若他观者，名为邪观。</p>

表 2-4：（7 表）甲二、正宗分分三

正释经文	甲二、正宗分分三	乙二、辨妙观分十六	丙十、 观音观	<p>佛告阿难及韦提希：见无量寿佛了了分明已，次亦应观观世音菩萨。</p> <p>此菩萨身长八十万亿那由他由旬，身紫金色，顶有肉髻，项有圆光，面各百千由旬。</p> <p>其圆光中，有五百化佛如释迦牟尼；</p> <p>一一化佛，有五百化菩萨，无量诸天，以为侍者。</p> <p>举身光中，五道众生，一切色相，皆于中现。</p> <p>顶上毗楞伽摩尼宝以为天冠，其天冠中，有一立化佛，高二十五由旬。</p> <p>观世音菩萨，面如阎浮檀金色，眉间毫相，备七宝色，流出八万四千种光明，一一光明，有无量无数百千化佛，一一化佛，无数化菩萨以为侍者，变现自在，满十方世界。</p> <p>臂如红莲华色，有八十亿微妙光明，以为璎珞，其璎珞中，普现一切诸庄严事。</p> <p>手掌作五百亿杂莲华色，手十指端，一一指端，有八万四千画，犹如印文；一一画，有八万四千色；</p> <p>一一色，有八万四千光，其光柔软，普照一切，以此宝手，接引众生。</p> <p>举足时，足下有千辐轮相，自然化成五百亿光明台，下足时，有金刚摩尼华，布散一切，莫不弥满。</p> <p>其余身相，众好具足，如佛无异。唯顶上肉髻，及无见顶相，不及世尊。</p> <p>是为观观世音菩萨真实色身相，名第十观。</p> <p>佛告阿难：若欲观观世音菩萨者，当作是观。</p> <p>作是观者，不遇诸祸，净除业障，除无数劫生死之罪。</p> <p>如此菩萨，但闻其名，获无量福，何况谛观！</p> <p>若有欲观观世音菩萨者，先观顶上肉髻，次观天冠。</p> <p>其余众相，亦次第观之，悉令明了，如观掌中。</p> <p>作是观者，名为正观；若他观者，名为邪观。</p>
			丙十一、 势至观	<p>次观大势至菩萨，此菩萨身量大小，亦如观世音。</p> <p>圆光面各百二十五由旬，照二百五十由旬。</p> <p>举身光明，照十方国，作紫金色，有缘众生，皆悉得见。</p> <p>但见此菩萨一毛孔光，即见十方无量诸佛净妙光明，是故号此菩萨名无边光。</p> <p>以智慧光，普照一切，令离三途，得无上力，是故号此菩萨名大势至。</p> <p>此菩萨天冠，有五百宝华。一一宝华，有五百宝台。</p> <p>一一台中，十方诸佛净妙国土广长之相，皆于中现。</p> <p>顶上肉髻，如钵头摩华。</p> <p>于肉髻上，有一宝瓶，盛诸光明，普现佛事。</p> <p>余诸身相，如观世音，等无有异。此菩萨行时，十方世界，一切震动。</p> <p>当地动处，有五百亿宝华。一一宝华，庄严高显。如极乐世界。</p> <p>此菩萨坐时，七宝国土，一时动摇。</p> <p>从下方金光佛刹，乃至上方光明王佛刹。</p> <p>于其中间，无量尘数分身无量寿佛，分身观世音、大势至，皆悉云集极乐国土，旃塞空中，坐莲华座，演说妙法，度苦众生。</p> <p>作此观者，名为观见大势至菩萨，是为观大势至色身相。</p> <p>观此菩萨者，名第十一观，除无数劫阿僧祇生死之罪。</p> <p>作是观者，不处胞胎，常游诸佛净妙国土。</p> <p>此观成已，名为具足观观世音、大势至。</p>
			丙十二、 普往生观	<p>见此事时，当起自心生于西方极乐世界，于莲华中，结跏趺坐，作莲华合想，作莲华开想。</p> <p>莲华开时，有五百色光，来照身想。眼目开想，见佛菩萨满虚空中。</p> <p>水鸟树林，及与诸佛，所出音声，皆演妙法，与十二部经合。</p> <p>若出定之时，忆持不失。</p> <p>见此事已，名见无量寿佛极乐世界。</p> <p>是为普观想，名第十二观。</p> <p>无量寿佛化身无数，与观世音及大势至，常来至此行人之所。</p>

表 2-5: (7 表) 甲二、正宗分分三

正 释 经 文	甲 二 、 正 宗 分 分 三	乙 二 、 辨 妙 观 分 十 六	丙 十 三 、 杂 明 佛 菩 萨 观	<p>佛告阿难及韦提希：若欲至心生西方者，先当观于一丈六像，在池水上。如先所说无量寿佛，身量无边，非是凡夫心力所及。然彼如来宿愿力故，有忆想者，必得成就。但想佛像，得无量福，况复观佛具足身相！阿弥陀佛，神通如意，于十方国，变现自在。或现大身，满虚空中。或现小身，丈六八尺。所现之形，皆真金色。圆光化佛，及宝莲华，如上所说。观世音菩萨及大势至，于一切处，身同众生。但观首相，知是观世音，知是大势至。此二菩萨，助阿弥陀佛普化一切。是为杂想观，名第十三观。</p>
			丙 十 四 、 上 品 生 观	<p>佛告阿难及韦提希：上品上生者，若有众生，愿生彼国者，发三种心，即便往生。何等为三？一者至诚心，二者深心，三者回向发愿心。具三心者，必生彼国。复有三种众生，当得往生，何等为三？一者慈心不杀，具诸戒行。二者读诵大乘方等经典。三者修行六念，回向发愿，愿生彼国。具此功德，一日乃至七日，即得往生。生彼国时，此人精进勇猛故，阿弥陀如来，与观世音、大势至，无数化佛，百千比丘，声闻大众，无量诸天，七宝宫殿。观世音菩萨执金刚台，与大势至菩萨，至行者前，阿弥陀佛放大光明，照行者身，与诸菩萨授手迎接。观世音、大势至，与无数菩萨，赞叹行者，劝进其心。行者见已，欢喜踊跃。自见其身，乘金刚台，随从佛后，如弹指顷，往生彼国。生彼国已，见佛色身，众相具足，见诸菩萨色相具足。光明宝林，演说妙法。闻已，即悟无生法忍。经须臾间，历事诸佛，徧十方界，于诸佛前，次第受记。还至本国，得无量百千陀罗尼门，是名上品上生者。</p>
				<p>上品中生者，不必受持读诵方等经典。善解义趣，于第一义，心不惊动。深信因果，不谤大乘。以此功德，回向愿求生极乐国。行此行者，命欲终时，阿弥陀佛，与观世音、大势至、无量大众，眷属围绕，持紫金台，至行者前，赞言：法子！汝行大乘，解第一义，是故我今来迎接汝。与千化佛，一时授手。行者自见坐紫金台，合掌叉手，赞叹诸佛，如一念顷，即生彼国七宝池中。此紫金台，如大宝华，经宿则开，行者身作紫磨金色，足下亦有七宝莲华。佛及菩萨，俱时放光，照行者身。目即开明，因前宿习，普闻众声，纯说甚深第一义谛。即下金台，礼佛合掌，赞叹世尊。经于七日，应时即于阿耨多罗三藐三菩提，得不退转。应时即能飞行徧至十方，历事诸佛。于诸佛所，修诸三昧，经一小劫，得无生忍，现前授记，是名上品中生者。</p>
				<p>上品下生者，亦信因果，不谤大乘，但发无上道心。以此功德，回向愿求生极乐国。行者命欲终时，阿弥陀佛，及观世音、大势至，与诸菩萨，持金莲华，化作五百佛，来迎此人。五百化佛，一时授手，赞言：法子！汝今清静，发无上道心，我来迎汝。见此事时，即自见身坐金莲华，坐已华合，随世尊后，即得往生七宝池中。一日一夜，莲华乃开。七日之中，乃得见佛。虽见佛身，于众相好，心不明了。于三七日后，乃了了见。闻众音声，皆演妙法。游历十方，供养诸佛。于诸佛前，闻甚深法。经三小劫，得百法明门，住欢喜地。是名上品下生者。</p>
				是名上辈生想，名第十四观。

表 2-6: (7 表) 甲二、正宗分分三

正释经文	甲二、正宗分分三	乙二、辨妙观分十六	丙十五、中品生观	<p>佛告阿难及韦提希： 中品上生者，若有众生，受持五戒，持八戒斋，修行诸戒，不造五逆，无众过患，以此善根，回向愿求生于西方极乐世界。 临命终时，阿弥陀佛，与诸比丘，眷属围绕，放金色光，至其所，演说苦、空、无常、无我，赞叹出家，得离众苦。 行者见已，心大欢喜，自见己身，坐莲华台，长跪合掌，为佛作礼。 未举头顷，即得往生极乐世界。 莲华寻开，当华敷时，闻众音声，赞叹四谛，应时即得阿罗汉道，三明六通，具八解脱，是名中品上生者。</p>
				<p>中品中生者，若有众生，若一日一夜持八戒斋，若一日一夜持沙弥戒，若一日一夜持具足戒，威仪无缺。 以此功德，回向愿求生极乐国。 戒香熏修，如此行者，命欲终时，见阿弥陀佛，与诸眷属，放金色光，持七宝莲华，至行者前。 行者自闻空中有声，赞言： 善男子！如汝善人，随顺三世诸佛教故，我来迎汝。 行者自见坐莲华上，莲华即合，生于西方极乐世界。 在宝池中，经于七日，莲华乃敷。 华既敷已，开目合掌，赞叹世尊。 闻法欢喜，得须陀洹，经半劫已，成阿罗汉，是名中品中生者。</p>
				<p>中品下生者，若有善男子善女人，孝养父母，行世仁慈，此人命欲终时，遇善知识，为其广说阿弥陀佛国土乐事，亦说法藏比丘四十八愿，闻此事已，寻即命终。 譬如壮士屈伸臂顷，即生西方极乐世界，经七日已，遇观世音及大势至。 闻法欢喜，得须陀洹，过一小劫，成阿罗汉，是名中品下生者。</p>
				<p>是名中辈生想，名第十五观。</p>
			丙十六、下品生观	<p>佛告阿难及韦提希： 下品上生者，或有众生，作众恶业。 虽不诽谤方等经典，如此愚人，多造恶法，无有惭愧。 命欲终时，遇善知识，为说大乘十二部经首题名字。 以闻如是诸经名故，除却千劫极重恶业。 智者复教合掌叉手，称南无阿弥陀佛。 称佛名故，除五十亿劫生死之罪。 尔时彼佛，即遣化佛，化观世音，化大势至，至行者前，赞言： 善男子！以汝称佛名故，诸罪消灭，我来迎汝。 作是语已，行者即见化佛光明，徧满其室，见已欢喜，即便命终。 乘宝莲华，随化佛后，生宝池中，经七七日，莲华乃敷。 当华敷时，大悲观世音菩萨，及大势至菩萨，放大光明，住其人前，为说甚深十二部经。 闻已信解，发无上道心。 经十小劫，具百法明门，得入初地，是名下品上生者。</p>
				<p>佛告阿难及韦提希： 下品中生者，或有众生，毁犯五戒、八戒，及具足戒。 如此愚人，偷僧祇物，盗现前僧物，不净说法，无有惭愧，以诸恶业而自庄严。 如此罪人，以恶业故，应堕地狱，命欲终时，地狱众火，一时俱至。 遇善知识，以大慈悲，即为赞说阿弥陀佛十力威德，广赞彼佛光明神力，亦赞戒、定、慧、解脱、解脱知见。 此人闻已，除八十亿劫生死之罪。 地狱猛火，化为清凉风，吹诸天华。 华上皆有化佛菩萨，迎接此人。 如一念顷，即得往生七宝池中莲华之内，经于六劫，莲华乃敷。 观世音、大势至，以梵音声，安慰彼人，为说大乘甚深经典。 闻此法已，应时即发无上道心，是名下品中生者。</p>

表 2-7：（7 表）甲二、正宗分分三

正释经文	甲二、正宗分分三	乙二、 辨妙观分十六	丙十六、 下品生观	佛告阿难及韦提希： 下品下生者，或有众生，作不善业，五逆十恶，具诸不善。 如此愚人，以恶业故，应堕恶道，经历多劫，受苦无穷。 如此愚人，临命终时，遇善知识，种种安慰，为说妙法，教令念佛， 彼人苦逼，不遑念佛。 善友告言： 汝若不能念彼佛者，应称无量寿佛。 如是至心令声不绝，具足十念，称南无阿弥陀佛。 称佛名故，于念念中，除八十亿劫生死之罪。 命终之时，见金莲华，犹如日轮，住其人前。 如一念顷，即得往生极乐世界。 于莲华中，满十二大劫，莲华方开。 观世音、大势至，以大悲音声，为其广说诸法实相，除灭罪法。 闻已欢喜，应时即发菩提之心，是名下品下生者。
		是名下辈生想，名第十六观。		
		乙三、彰利益		说是语时，韦提希与五百侍女，闻佛所说。 应时即见极乐世界广长之相，得见佛身，及二菩萨。 心生欢喜，叹未曾有，豁然大悟，逮无生忍。 五百侍女，发阿耨多罗三藐三菩提心，愿生彼国。 世尊悉记，皆当往生，生彼国已，获得诸佛现前三昧，无量诸天，发 无上道心。

表 3：（1 表）甲三、流通分分二

科判		经文	
正释经文	甲三、 流通分分二	乙一、 王宫流通	尔时阿难，即从座起，白佛言： 世尊！当何名此经？ 此法之要，当云何受持？ 佛告阿难： 此经名观极乐国土，无量寿佛，观世音菩萨，大势至菩萨。 亦名净除业障，生诸佛前。 汝当受持，无令忘失。 行此三昧者，现身得见无量寿佛，及二大士。 若善男子，及善女人，但闻佛名，二菩萨名，除无量劫生死之罪，何 况忆念！ 若念佛者，当知此人，即是人中分陀利华，观世音菩萨，大势至菩萨， 为其胜友。 当坐道场，生诸佛家。 佛告阿难：汝好持是语。 持是语者，则是持无量寿佛名。 佛说此语时，尊者目犍连，尊者阿难及韦提希等，闻佛所说，皆大欢 喜。
		乙二、 鹫山流通	尔时世尊，足步虚空，还耆闍崛山。 尔时阿难，广为大家，说如上事。 无量诸天、龙、夜叉，闻佛所说，皆大欢喜，礼佛而退。